



AGURAINGO UDALAREN ETA RAMON SAGASTI MUSIKA ELKARTEAREN ARTEKO LANKIDETZA-HITZARMENA, 2025eko EKITALDIAN JARDUERA SOZIOKULTURALAK ETA MUSIKALAK GARATZEKO.

Agurainen, 2025eko martxoaren 17an

BILDUTA

Alde batetik, Raul Lopez de Uralde jauna, Aguraingo Udaleko alkate-udalburua.

Eta, bestetik, Maiteder Sasieta Murua andrea, Aguraingo Ramon Sagasti Musika Elkarteko lehendakaria. Ramon Sagasti Musika Elkartea Eusko Jaurlaritzako Elkarleen Erregistroan inskribatuta dago, AS/A/09328/2001 erregistrozenbakiarekin.

Elkarri aitortzen diote lankidetz-hitzarmen hau sinatzeko legezko gaitasuna, erakunde bakoitzaren izenean, hainbat jarduera soziokultural garatzeko.

ADIERAZTEN DUTE

Udalaren programazio soziokulturalaren esparruan, Aguraingo udalerriko kultura-bizitza dinamizatzeko bitarteko gisa jarduerak antolatzea sartzen da, bertako biztanleen kultura-eskaerei erantzunez eta, bereziki, herritarren musika-prestakuntza sustatzeari dagokionez.

Bestalde, Ramon Sagasti Musika Elkartek, bere helburuei leial izanik eta musika-eta kultura-ibilbidea eginez, udalerrian bertan, zein udalerrikanpo, antzeko borondatea adierazi du bere jardun-eremuan.

Aguraingo Udalaren eta Ramón Sagasti Musika Elkartearen artean azaldutako xedeez jabetuta, beharrezkoa da erakunde horien arteko lankidetz-hitzarmen bat ezartzea, hitzarmenaren indarraldian egiten diren jarduerak elkarrekin egin ahal izateko. Hauek izango dira hitzarmenaren arauak:

KLAUSULAK

LEHENENGOA: Helburua

Hitzarmen honen xedea da Aguraingo Udalaren eta Ramón Sagasti Musika Elkartearen arteko lankidetz-ildoak ezartzea, 2025eko ekitaldian hainbat kultura- eta musika-jarduera garatzeko.

BIGARRENA: Ramón Sagasti Musika Elkartearen betebeharrak

2.1.- Diruz lagundutako jarduerari buruz egiten den publizitate orotan, kultura-jarduerak hedatzeko, tokiko erakundeak Aguraingo Udalaren laguntza adierazten duen logo-irudia eta legenda eman beharko ditu, bai eta jardueraren komunikazio-hizkuntzaren ezagutza bateratzeko antolatu den sinbologia (semaforoak) ere.



Idatzizko komunikazioa: publizitatea, kartelak, oharrak, zirkularrak... diru-laguntza jasotzen duen jarduerarako erabiltzen badira eta publiko orokorrari zuzenduta badaude, euskaraz eta gaztelaniaz idatziko dira, eta euskarazko testua nabarmenduko da.

Aguraingo Udaleko euskara zerbitzuak beharrezko zuzenketak egiteko laguntza eskainiko du, euskarazko testua zuzena izango dela bermatzeko.

Ahozko komunikazioa: jardueraren aurkezpenak, megafonia, eta abar, euskaraz eta gaztelaniaz egingo dira, lehenik eta behin euskaraz. Egingo duen pertsonak horretarako behar besteko ezagutza izango duela bermatuko da.

Diru laguntza jasotzen duen Elkartek Udalak hizkuntza normalizazioa helburutzat hartuta martxan jartzen dituen ekimenetan aktiboki parte hartzeko konpromisoa hartuko du.

2.2.- Ramon Sagasti Musika Elkartek, Arabako Lautadako Kuadrillako Emakumeen eta Gizonen Berdintasunerako indarrean dagoen Planean onartutakoarekin bat etorriz, kontuan hartuko ditu plana garatzeko genero-ikuspegia txertatzen duten jarduerak, eta izaera estrategikotzat hartuko ditu, otsailaren 18ko 4/2005 Emakumeen eta Gizonen Berdintasunerako, eta Indarkeria Matxistarik Gabeko Bizitzak Legean ezarritako irizpideen arabera, dagokienez.

2.3.- Horrela, konpromisoa hartzen du diruz lagundutako programa, proiektu edo jarduerak sustatzeko elementu gisa egiten diren kartel eta testuen edukietako irudietan hizkera ez-sexista erabiltzeko. Emakumeen irudi diskriminatzaile oro edo estereotipo sexistak saihestuko ditu, eta berdintasunaren, presentzia orekatuaren, aniztasunaren, erantzunkidetasunaren eta genero-rol eta -identitateen aniztasuneko balioak dituen irudia sustatuko du. Ildo horretan, diruz lagundutako programa, proiektu edo jardueretan genero-ikuspegia txertatzea sustatuko du, emakumeen parte-hartze handiagoa sustatzeko estrategiak bilatuz.

Halaber, dirulaguntza jasotzen duen elkarteari berdintasunaren, hizkuntza ez-sexistaren eta abarren arloko prestakuntza sustatzeko deia egiten zaio, urtean zehar Udalak antolatzen dituen ikastaro eta/edo tailerren bidez.

2.4.- Ramon Sagasti Musika Elkartek, diru-laguntzaren xede diren jarduerak egin ahala, dagozkion justifikazioak telematoki aurkeztu beharko ditu 2025eko abenduaren 12a baino lehen. Gastuen egiaztagiriekin batera, gastuei lotutako diru-sarrerak aurkeztu beharko ditu, bai eta egindako jardueren memoria bat ere. Memoria horretan, jardueretan parte hartu duten pertsonen kopuruari buruzko informazioa jasoko da, sexuaren arabera bereizita.

2.5.- Aguraingo Udalak edozein unetan eskatu ahal izango du dokumentazio osagarria, bai eta Udalaren egiaztapen-jarduketan mende jarri ere. Horretarako,



kontabilitate-liburuak, izapidetutako erregistroak eta legediak eskatzen dituen gainerako dokumentuak eduki beharko ditu.

2.6.- Ramon Sagasti Musika Elkartek Aguraingo Udalarari jakinarazi beharko dio diruz lagundutako jarduerak finantzatzeko beste diru-laguntza, laguntza, diru-sarrera edo baliabiderik jaso duen.

2.7.- Era berean, zerga-betebeharrak eta Gizarte Segurantzarekikoak egunean dituela egiaztatuko beharko du.

2.8.- Ramón Sagasti Musika Elkartek hitzarmen honi erantsitako jarduera hauek egiteko konpromisoa hartzen du:

- San Juan (kontzertua edo kalejira, Sanjuanada Txopoan, Dianak eta merienda San Joan egunean -ekainaren 24an- edo, hala badagokio, egun horren inguruko jarduerak)
- Sallurtegi eguna (dianak eta kalejira)
- Aguraingo jaiak (txupinazoa larunbatean; Dianak eta Kalejirak igandean eta kalejira astelehenean Atzoko gazteen egunean edo jaiei buruzko egunetan)
- Gabonetako edo neguko kontzertua.

Arestian aipatutakoez gain, honako hauetan ere parte hartuko du, gutxienez, hori eragozten duten inguruabarretan izan ezik:

- Errege kabalgata Gabonetan
- Danborradak
- Aguraingo Udalak adostasunez eskatzen duen beste edozein.

2.9.- Ramon Sagasti Musika Elkartek konpromisoa hartzen du lagatako lokala eta materiala egoera onean mantentzeko. Elkartek horri Musika Eskolako lokal bat utzi zaio erabilera partekatuan, elkartek erabil dezan. Lokalean gerta litekeen edozein arazoren berri emango du. Hala ere, Udalak lokal hori bere beharretarako edo egokitzat jotzen dituen beste behar batzuetarako erabiltzeko eskubidea izango du, elkarrekin koordinatuta eta haren funtzionamendua ahal den neurrian kaltetu gabe.

2.10.- Lokalari eta jardueren garapenari dagokienez, hondakinen gaikako bilketa egiteko konpromisoa hartzen du elkartek, eta lokalean nahiz jarduerak egiten diren ingurunean sortzen diren hondakinak biltzeko eta kudeatzeko sistema bat antolatuko du.

2.11.- Ramón Sagasti musika elkartek ordezkari bat izendatu beharko du Aguraingo Kultura Kontseiluaren bilkuretara joateko.

HIRUGARRENA: Aguraingo Udalaren betebeharrak

3.1.- Aguraingo Udalak **16.500 €** bideratuko ditu **2025eko ekitaldiko** jarduera-programa hori egiteko, Aguraingo Udalaren Gastuen Aurrekontu Orokorrean horretarako ezarritako 334.481.009 aurrekontu-partidaren kontura.



3.2.- Zenbateko hori honako eskema honen arabera ordainduko da, eta ordainketa atzeratu ahal izango da behar bezala justifikatutako egoera ematen denean:

- a) % 90 hitzarmena sinatzean.
- b) Gainerakoa, diru-laguntzaren xede diren gastuak justifikatu ondoren.

3.3.- Aguraingo Udalak Musika Eskolako entsegu-aretoa lagako du, baldin eta eskolaren programazioa oztopatzen ez badu, beste kultura-talde batzuekin partekatzen baitu. Kale Nagusiko 17. zenbakiko lokala ere lagako da, materiala gordetzeko eta batzarrak egiteko, zeina Eguzkilore Abesbatza Elkartarekin partekatuko baitu. Lokal horiek prekarioan lagatzen dira, eta doakoak izango dira.

3.4.- Aguraingo Udalak emandako diru-laguntza honako jarduera-programa hau finantzatzeko erabiliko da:

- 1) Hitzarmen honen 2.8 atalean deskribatutako jardueren garapena.
- 2) Ramon Sagasti Musika Elkarteko kideen musika-prestakuntzarako irakasleen eta kudeaketa-gastuak.
- 3) Lankidetzaren udaleko kultura-jarduera eta ikuskizunetan.
- 4) Musikagintza sustatzen duten jarduerak, Aguraingo Udal Musika Eskolarekin elkarlanean edo bakarka.
- 5) Gizarte aguraindarra osatzen duten kolektiboak musika praktikatzera bultzatzen eta erakartzen dituzten jarduerak.

Hitzartutakoari edozein aldaketa egiteko proposamena alde aurretik eskatu beharko zaio Aguraingo Udalari.

Hitzarmen honen jarraipena egiteko, jarraipen-batzorde bat eratuko da, eta bertan ordezkaturik egongo dira Aguraingo Udala eta Elkartea, bai eta udalak hitzarmena egoki garatzeko egokitzat jotzen dituen zerbitzu teknikoak ere. Hitzarmen honen xede den programari dagokionez deitzen diren jarraipen-batzordeetara joatea nahitaezkoa dela ulertzen da, bai eta elkarleen artean nahiz toki-erakundearekin koordinazio handiagoa izateko balio izango duten izaera kolektiboko batzordeetara joatea ere.

LAUGARRENA.- Lankidetzaren hitzarmen hau sinatzen denetik urtea amaitu arte iraungo du, eta ezingo da luzatu.

BOSGARRENA.- Hitzarmen honek administrazio-izaera du, eta, beraz, administrazioarekiko auzien jurisdikzioak izango du hura betetzearen ondorioz sor daitezkeen gatazkak ebazteko eskumena.



Eta ados daudela adierazteko, aldeek dokumentu honen bi ale sinatu dituzte, ondorio bakarrarekin, goiburuan adierazitako tokian eta egunean.

Raul López de Uralde Baltasar



Maiteder Sasieta Murua